

小
草
齋
續
集

小草齋續集卷之二

過里稿

陳晉謝肇淛著

弟肇淵肇澍較

送廷平鄒司理赴部

十年執法金生魚萬里
彤庭下置書政是聖
明需補空不勞父老枳
行車雙龍劍去寒潭靜
一鶚秋高落木疎
時事艱難堪涕淚
朔陽守聽鳳鳴初

周喬卿移居三山喜贈

八年... 卷之三
廿年蹤跡半無諸今日真成賦卜居舊業拋來
惟有劍新齋構就盡藏書山隣鳥... 何須... 水
近瑤河亦可漁課子一經催婦織春風隨處是
吾廬

重過岐江寺

竹門蘿逕欲荒蕪重到何須更問途斷磬十年
懸未改舊題半壁字全無塔前老樹存羅漢榻
上新苔沒苾芻一片寒潮催客去大江微雨布
帆孤

永陽重光寺

扁舟百折石灘窮，却望叢林縣郭東。
幢影曉飛獅嶺月，磬聲寒度泐溪風。
上方僧定諸天寂，下界人稀萬念空。
疎竹兩廊荷半沼，禪關不閉夕陽中。

宿重光寺用壁間韻

古剎臨溪半倚山，清齋留客宿雲間。
紫烟滿地香浮篆，翠色生衣竹映關。
枕上灘聲隨磬咽，松陰鶴夢伴僧閒。
半生未了皈依願，羞向空門到

復還

題永陽林生綠榕軒

新開幽墅白雲村，曲徑紆廻石結垣。
百道灘聲寒遶屋，數行榕影綠當軒。
門隣僧寺甯聞磬，山接姬巖曉聽猿。
四壁琴書孤榻靜，紅塵不到武陵源。

宿綠榕軒

亂灘行盡路初通，一榻寒窓桂子風。
紙帳繩牀眠不穩，夢魂猶在水聲中。

過太原灘有懷

相思兩地泪闌干，猶有殘題石上看。
猿叫月明今似昔，孤舟怕過太原灘。

草堂寺

在永陽之埔垵

寶幡高揭傍村庄，共說禪宮在草堂。
四壁亂峯雲木合，一林祇樹雨花香。
客貪佛日來初地，僧供齋筵出上方。
仙梵泠泠車馬絕，芙蓉開滿翠微房。

耶呼嶺二首

嵐靄共朝霏濛濛濕客衣山圍疑路盡谷轉見
人稀林影看逾密泉聲聽漸微巖花開似繡相
對亦忘機

山空谿復險盡日少人行偶辨荒榛路時聞伐
木聲高峰危欲墮絕壁削初成十里林頭望遙
遙隱化城

鳳皇寺

在永福之杉洋從
鳳皇山下從此

鳳皇山下寺寺改鳳名留金碧入天相香風桂
陌秋亂峰青靄合疎竹翠雲流僧定空廊寂蟬

遊太乙都

雲巒圍紉殿巖屋逗蒼霞樓俯千峯迥泉飛一
逕斜靈祠標石筍古篆蝕苔花白鶴中宵影猶
疑駕羽車

履險不容足探幽愜素心泉魚時隱見雲洞極
高深古閣重簷朽殘碑宿莽侵從來人罕到灌
木亂猿吟

將至雞巖憩半庄院

姬巖行欲半高嶺復深谿寺僻僧難住山荒路

易迷犬迎游屐吠花映佛堂齋飯後匆匆去空
林聞午雞

雞巖二首

方壺巖下望仙峰猶隔林巒數百重藥竈丹成
雞已去洞門石老蘚全封山排積翠中天列風
起寒濤萬壑從目極東南雲盡處海潮晴湧玉
芙蓉

鐵嶂矚研古樹秋懸梯攀盡見丹丘平臨百里
群峯頂直到諸天最上頭鶴叫星壇寒月落龍

蟠石壁暗泉流大江如練雲如馬擬快飛仙過
十洲

宿雞巖黃林二生自麟峯携觴至乞書

策杖尋山到夕曛山門傾蓋便殷勤人從鳥道
携尊酒家在麟峰隔嶺雲護法世爲功德主幽
居身接上真群慚無謝眺驚人語浣却羊欣白
練裙

雞巖雜詩六首

仙雞此地守丹砂巖壑猶傳第一家却爲姬山

八五
相近喚錯將紅粉汚烟霞

巖上鐫神仙第一
家世名姬巖悞也

溪山絕似武夷形百里紆迴隱化城最是地偏
人不到千巖萬壑未知名

古木千章不記年龍蛇縈遶寺門前老僧不禁
山中芥少却青青十里烟

片瓦天梯石斲成金雞玉狗望分明諸峯總是
神仙窟却與時人浪作名

石夾渾如一線天老龍蟠壁吐寒泉村農請水
鳴金鼓甘雨崇朝遍野田

細雨濛濛霧不開，千盤磴道濕蒼苔。
半巖日色連平楚，始覺身從雲際來。

雞巖歸遇雨憩清凉寺

在永福縣北十里

百里行將暮，孤村望欲陰。
亂峯秋雨急，古寺暝烟深。
灘響妨僧夢，樵歌答梵音。
雖云近城市，亦足洗塵心。

重游方廣巖同徐興公陳汝翔作

重到名巖又六年，水簾丹嶂尚依然。
蒼苔未蝕山門字，古木猶蟠石壁烟。
樹杪暝鐘傳萬壑，雲

中香閣敞諸天繩牀布衲寒秋雨一夜泉聲攪
客眠

由小雄溪入龍潭觀瀑布

是王孟嘉讀書處

艤舟小雄澗策杖觀龍潭盤迴高復下竹影何
純純客行傍竹沿溪去遠訪高人讀書處千重
嵐靄濕幽苔一片蟬聲咽殘露度嶺初過鋪錦
灘翠藤碧草披層巒水中古篆半漸盡石上遺
文猶未刊飲犢溪空二百載流觴曲水依然在
峯頂金雞聞夜啼雲中紫鳳颺朝采捫蘿披莽

石梯窮一徑始與仙源通瀑布潺湲噴晴雪珠
簾錯落飛天風蒼洞礚研窅莫測丹竈饌餽蘚
花碧哀猿嘯雨暮林寒孤鶴啼烟曉山白學士
遺踪安在哉草堂雲構總蒿萊祗今惟有龍塘
月時照精靈自往來

重過懸漢巖悼陳履吉

石室依然在山河感不勝烟霞更舊主香火寄
流僧徑斷埋秋草崖荒脆古藤寒泉知客恨鳴

咽下層層

鏡上人六十

布衲繩牀到處禪閒雲孤鶴自翩翩手繙南藏
維摩室名在西方兜率天首座能傳燈下鉢故
人共結社中蓮本來明鏡原無物僧臘何須問
歲年

鄭尉五十壽言

一官黃綬罷三經白雲開政是知非日先傾難
老杯蘭香當砌度山色入簾來何用尋方外神
仙舊姓梅

長樂萬侯考績

首石山高馬瀆清使君治行古神明
夙期已奏雙鳧績花縣長碧一鶴名
海外氛稜傳檄定天邊
甘雨逐車行漢廷課有兒寬最
及五雲霄聽履聲

永陽林母七十

春風青鳥報靈符知在雞巖太乙都
九轉丹消雙鬢雪萬峯雲織五華裾
貞心已信無瑕玉遶膝還看不夜珠
何用瑤池尋女伴仙山東去是

方壺

壽其冲從父八十

有引

嘉靖丁酉歲吾宗懸弧矢者先後四人則從
祖少保大司農公及先奉政洎亦西濱芹
叔父也少保奉政以勛庸顯而壽未渝古稀
亦酉叔肥遁蓬蒿歸然爲魯靈光且有在闈
爲之子文采蔚贍不日千里將來福祚尚未
艾也丙辰之冬日在析木叔年八十矣在闈
丐余一言以佐萬年觴輒爲喜而泚筆且僭

寄賀于濱芹叔也

四人孤矢總丁年崧岳生申豈偶然天上將頽
長至錄人間自有地行仙籌從東海添成屋杯
借南山捧作筵子似龍駒身似鶴恩光應近五
雲邊

題壽意圖

孤峰縹緲疑天上暮靄朝霞互排蕩洞底丹芝
燦夜光門前白鹿時來往白鹿丹芝自一丘人
間八十二春秋菖蒲花發蟠桃熟海水還看清

淺流

德州郎中讀燕姬瓊英壁間留題

曉霜殘月路行難
凋盡佳人綠鳳鬟
一片墨痕和別泪
郵亭無主蘚花殘

附瓊英詩

帶月衝寒行路難
霜華凋盡綠雲鬟
五更鼓角催行急
驚破思鄉夢未殘
兒本燕人嫁與越客悲
故園之不在傷行道之方難
聊賦短章書之郵壁以見悲憤

丙辰除夕客河間逢立春并東柯季和太

守

殘雪荒煙節欲新天涯遊子尚風塵六千里外
河間驛五十年中夢裏身歲去速於行路客春
來喜似遇鄉人椒盤且拚今宵醉羞向前途更
問津

丁巳元日客河間

遊子新年客兩河淒涼



奈愁何十千酒向

他鄉醉半百年從此日過寒谷未回鄉衍律流

光難駐魯陽戈長安不見家山遠獨立東風感
慨多

渡江

丙辰冬

未遂還山計殘年復渡江風霜華髮改波浪壯
心降鯨吼遙穿寺豚撫近拍窓却憐鷗鳥伴沙
際自雙雙

代林志唯太常訓齋郎三章

皇皇 聖祖克配彼蒼茫爾庶士明禋是將既
足齋食又給爾裳爾不恪其曷名齋郎師其清

淨行則端方勿流于蕩勿卽于荒有一于此清
規是妨守而勿失靡用不臧

咨爾多士離俗守真職惟樂舞誠乃格神顧名
思義豈得因循琴瑟在御干羽以陳笙鏞祝啟
茲焉維新服習無倦美善有倫雅頌失所愆積
厥身爾善肄之以肅明禋

爾身何來父母生之出家習靜皈依于師爾教
爾育成立是期慎爾心術敬爾威儀服勞致養
道之所宜遞相傳術庶其企而賊恩忘本天豈

無知夙興夜寐念茲在茲

長安逢高詔燉賦贈兼懷君雅

逃暑鐘山日蓬遊燕市時依然故人意重見寧
馨兒踏雪看花早聽鶯信馬遲祗今易水上猶
自說漸離

爲杜大將軍弑武作二首

登壇仗鉞古元戎退食依然一壑中自是儒門
生將種却從次宅證真空半編黃石神仙秘三
尺青萍國士風今日麒麟高閣上幾人破虜不

言功

右三韻
逸史

雲中路遶黑山斜，上得菟裘寄歲華。自有真形
同五岳，豈無名理演三車。登臨已覺群峯合，咫尺
及寧論萬里。賒封罷居，胥婚嫁畢，卧遊隨處足。

煙霞

右五嶽
隱居

玉皇案畔漱流霞，武畧文心未足誇。破虜檄成
還自草，驚人筆夢已生花。帳中詞客宵拈韻，門
外材官午報衙。松影一簾書萬卷，何人知是故

侯家

右餐霞
精舍

壽唐太史尊人八十

石室丹臺注此身香鑪降下早尋真蟠桃有實
三千歲綠鬢無絲八十春閱世已知忘甲子鍊
形何用守庚申僊郎乞得金莖露歸佐流霞壽
大椿

送郭得一之甫娶婦

玉勒擁青騮乘鸞未足誇佳期冰已泮客路柳
初花夜月支機石春風擲果車莫言違定省少
婦正宜家

節壽詩

鏡影孤鸞四十秋長吹鍊遂與僊游占星寶婺
還連歲問信麻姑第幾籌丹穴鳳毛俱五色瑤
池桃實已三偷斑衣舞獻君山酒雞舌餘香兩
袖浮

送李翁讓直指南歸

挂冠神武太匆匆却笑紅顏未入宮春色已歸
離別後帝城空在夢魂中江干舊有屠羊肆
塞上今看失馬翁世事悠悠君且去漫將雙泪

洒東風

寄壽其賢叔八十

吾家海上三門內三人同生丁酉歲扶風之馬
盡白睂河東有鳳飛相繼司徒立功復立言文
采風流今尚存先人一官滯小邴挂冠神武歸
文園生年未得過七十遽摧長轡辭塵樊吾叔
翩翩都且美蒼髯如戟眸如水耻作書生老一
經欲乘長風破萬里元龍湖海氣難除擊劍彎
弧力有餘月下挂帆過洱海雪中走馬封居胥

洱海居胥意氣親重爲然諾輕舍身逢人盡是
吐肝膽好客何曾辭賤貧貧來家徒餘四壁斗
酒微醺雙眼碧揮毫草聖龍蛇飛弔古詩成鬼
神泣有時好事寫丹青淋漓元氣通神靈踈密
遠近皆得意千巖萬壑何冥冥有時策杖群峰
杪秘訣家傳出青鳥玉簡驅龍積翠中金針一
穴蓮華裏蠅頭蝸角自紛紛富貴於我如浮雲
第五何須減驃騎赤幟殊足張吾軍八十春秋
壽且康庭前玉樹紛成行枌榆共式老祭酒典

刑爭看歸靈光猶憶髻年趨庭日叔來過從姪
侍立酒酣顧我真虎兒喜見鬚眉快胸臆三十
年來反掌間泛舟茗水投齊關時佩紫囊出西
射共揮葵扇來東山轉眼相看俱老大叔今耄
矣姪亦艾乍可從遊丘壑中何能脫屣風塵外
題緘瀝酒海東濱遠祝南山壽萬春更將仙掌
金莖露寄與青城化鶴人

贈米仲詔水部

邸第春風滿薜蘿好奇無奈米顛何隨身小舫

書袞盡負郭名園石占多
說法高僧分祿米
司篋侍女掃青蛾
月明衡水天如鏡
醉倚朱闌聽
權歌

贈蜀僧如芳

十年苦行下蛾眉
碧眼紅塵識者誰
傳得達摩真相法
却尋彭澤共心期
頂摩松樹應相待
舌吐蓮華也自奇
世路升沈何足問
素心吾已逐
鴟夷

送潘克明將軍之閩

燕領昂藏七尺軀翩翩千騎向無諸轅門曉色
榕初老油幕秋風荔未疎十道材官分海汛九
天玄女授兵書鯨鯢波靖牙軍散可訪城南水
竹居

壽李光祿母

桃丘汶水碧蒼茫一片冰心幾十霜共向比堂
瞻寶婺時從東壁借餘光天中已注長生籍花
下初行續命觴更喜仙郎歸擁傳斑衣猶帶御
爐香

壽秦儀部尊人

避世山中老伯休長吹鐵遂步虛游蟠桃有實
三千歲綠髮無絲七十秋綵袖八龍紅日映絲
綸五鳳紫雲浮龜蒙自是神仙宅搔首蓬萊問
十洲

送王季重之齊

廿年仍謫宦舉目異關河世路尚如此壯心當
奈何泉聲寒釣突柳色翠滄沱回首鐘山下棋
殘已爛柯

送孫肇伯守泗州

高皇湯沐地王氣繞中都
羨爾三刀夢腰懸刺
夷符塚荒挂劍樹城記讓金區
不識還朝日時
苗有犢無

贈番都黃太司馬二首

元老持衡鎮舊京
鐘山凝紫大江清
籬門晝靜人休馬
淮水春深柳覆營
龍虎軍中吳列校
芙蓉幕下魯諸生
聖朝袞職須公補
搔首雲霄

聽履聲

不獨身兼將相官文章赤幟早登壇三都作賦
箋常涌五夜裁書燭半殘詩向雞林傳姓字人
從麟閣想衣冠十年知遇慚桃李國士如今報
已難

送林參軍

炎暑不堪出臨岐爲送君祠過吳大帝官作鮑
參軍幕府依淮樹商帆隔浦雲由來臯羽質終
不混雞群

答戴大圓自嘲之作

帝畿平若水今復得君清老去薪還積閒來筆
可耕嚴城官吏拜夜陌邏人迎猶勝沈冥者披
裘五月行

蓮華菴避暑二首

長安五月卽炎歊十丈紅塵赤日驕山寺老僧
渾不覺蓮華叢裏送蘭橈

淨業門前洗馬池女墻斜映碧漣漪一簾花氣
千林靄不似人間六月時

南州書院圖爲徐光祿賦

樓臺隱見水中流彷彿仙山海上浮
百里湖光渾不夜四時烟雨更宜秋
柳低半冒遊人幘花落時隨釣客舟
聖代祗今需變理豈容高士卧南州

送阮集之太行使閩兼懷堅之舊司理

六月紅塵馬首開使臣銜詔出蓬萊
里門爭羨高車入閩海驚看漢節來
玉女臨妝山作鏡仙人采藥竈留灰
無諸城裏甘棠樹半是當年大阮栽

凌家仙井歌

凌家之非非常水鑿池云經仙人指璇源清淺
浮雲根玉液寒香沁人齒鬱金何用合靈泉翹
生風味自天然當年曾獻唐天子異代還將題
詠傳遺壇古社墟荒草碎瓦殘甍泉未稿純陽
先生去後來詩詞寫像安在哉凌家子孫賢且
貴建宇疏泉修廢墜一旦更新古井欄百年再
見仙人字黃山白岳昔嘗游未經此道漱其流
片詞寄題井上石願託此井俱千秋

偶書

忽忽沈郎署于今又九年敢云明主棄時得故人
憐顏駟頭全白楊雄賦未玄漁樵歸已晚隨處是風烟

寄潘穉恭

十載不相見心期誰與言吾遊行已倦汝俠可
猶存烟柳城南路魚鹽江上村別來渾似夢一念一銷魂

題南州巷

孺子高風異代聞南州今日又逢君
窓冷醉里千秋雨簾捲平湖萬頃雲
屐齒泥香朝采藥墨池氣紫夜論文
東山已爲蒼生起閒却林間鷗鶴群

秋夜同戴太圓集程鹿苹齋中分得城字
尊前一葉已秋聲簾卷空階正月明
對酒不辭金谷罰逢君如在玉山行
風吹微露侵禪榻鴈帶疎鐘出禁城
同病相憐還自笑紅塵今有白

鷗盟

題張濟美給諫黃山卷

懸崖曲磴瀑泉流疑在天都最上頭地主尚留
青鎖闥畫圖空憶白雲游龍眠霧幄春歸洞鶴
帶仙書夜到樓柿葉殷紅松嶂碧由來東海有
丹丘

馮徵君九表詩

儒冠仙骨隱丘園鶴髮蕭蕭老羨門杖餘鳩頭
天子賜年當貽背國人尊鼎中丹就風雷吼
島上雲深日月奔玉樹青葱桃五色不須更問

武陵源

送牟侍御按甘州

繡衣使者出行邊組練如雲列
酒泉日落塞垣低度鳥秋高獵
火遠連天寒烏曉散燕支月
驄馬閒嘶苜蓿烟獨有故人流
落甚臨岐空贈繞朝鞭

紅線

紅線古劍俠埋迹爲青衣委身
紆主憂倏忽穿嚴圍金合牀頭
得環珮空中飛碧天宵無際漳

水初晨暉千載銷魂地空令憶宓妃

送馬季聲倅興國

翩翩濁世佳公子文采聲華滿都市一朝被命
出春明楚水燕山萬餘里憶君十五二十時扶
風之馬稱白眉讀書却笑邪金子結客不數耶
鄆兒中年一經困場屋坐令蛟龍老魚服家計
愁看四壁空壯心羞向窮途哭鴻都太學三萬
人崑山片玉誰與倫卞和再別周客死夜光按
劍埋風塵一州斗大漢江裏滄浪亭前亂山紫

刺史時分半竹符
吏人看押五花體
簡書催人不可留
朔雲關月恨悠悠
漫將才子生花筆
搥碎仙人黃鶴樓

嚙臂詩爲許光祿君信賦

少時詞藻動吳門
嚙臂曾傳返父魂
帝與九齡真孝子
官憐三釜老文園
玄宮夜永留殘夢
綵袖春深帶血痕
聖主年來方錫類
大官先賜鬱金尊

贈光祿其瑳叔

名駒初出五花紋家世仍傳光祿勳鹽豕虎形
共世廟香含雞舌侍明君蒲葵風動池邊草
屐齒晴穿野外雲骨肉天涯尊酒會蒲庭玉樹
雪紛紛

歲暮二首

十年尚書郎宦拙久無味頗似嚴君平身世兩
相棄窮冬朔天淒終風霾且曠蚤作趨嚴省抑
首偕童穉徵祿慙素餐况乃玉與桂白日慘四
隣茅茨各以閉癡兒饑莫啼未了官家事

行年五十一自謂知天命物外恒獨往心跡兩
無競竭來困塵樊蹙蹙靡所聘干雲媿鵬飛潛
川羨魚泳顧此寸心中俯仰咸適性曼容亦已
足原思豈云病所惜二毛侵壯心休明鏡

贈張光祿

八斗才名擲果姿家傳黃石帝王師一官人羨
金門隱二載風臨玉樹枝紫閣尚留遺劍履

皇恩重勒舊鐘彝莫言枳棘卑棲地自有奇毛
出鳳池

王母節詩

玉殿曉鐘鳴闐闐春如霧冬官王大夫拜上陳
情疏自言草莽臣樞樞失所怙哀哀未亡人茹
荼勤保護燔機和熊丸借光理苴布月照薄帷
空烏啼寒牕曙一室三十年金石距云固皇天
不終割小臣竊際遇幸叨依日榮每慙望雲慕
報劉時苦短御潘歲將暮願徼錫類恩表此貞
與素 天子嘉孝思紫泥湛膏露悼彼女中英
弱植有完樹至行泣鬼神皇天錫胤祚我爲穆

如歌褒揚以風諭

丁巳除日

守歲天涯眼底親，愁多轉覺夜難晨。
關河兩地相思淚，雨雪殘年欲老身。
婚嫁催人家計窘，風塵涉世髮華新。
一官遲暮三山遠，羞聽鐘聲報早春。

戊午元旦

漏盡東華曙色微，東風猶未解寒威。
十年已白郎官首，萬里空緝京洛衣。
老病驚看駒易過，鄉

心愁見鴈先歸腐儒通籍慙供奉時向 君王
望賜緋

送陳楚彥授南太僕丞

覆命出楓宸江南苜宿春時平龍種瘦年少鳳
毛新山看環滁色門延市駿人與君三世好惜
別倍傷神

送王永叔開府閩中

八閩五十八州邑半倚山陬半海瀉鯨鯢出沒
波濤腥水旱頻仍租稅急 天子南顧軫蠻方

孰授節鉞釐封疆咨爾四岳選于衆無如廷尉
先生良先生名臣之子孫少年射策排金門新
劓已奏庖丁技食客時空北海尊手批龍鱗獻
逆耳不惜夜郎行萬里宣室旋召賈生還虞廷
還藉臯陶理文章聲價播雞林意氣一諾千黃
金夢韃共讓登壇手金石應輸報主心百道分
麾向閩海海上棠陰猶未改千城士女動歡聲
一日旌旗變精采與君詩酒舊流連屈指于今
十五年金尊檀板巒江月芳草垂楊白下煙煙

銷月落人非故，獨有馮唐老郎署。送君便欲解
朝簪，高枕衡門依雨露。

送葉景僕令臨晉

百里古諸侯，山河據上游。足應初展驥，目豈有
全牛。蟋蟀唐風古，蒲萄晉水秋。循良名自遠，不
必借曹丘。

送王伯良歸山陰

仲宣南望賦，登樓芳草游。絲信紫騮二月鶯聲
燕市酒，十年客夢剡溪舟。故人祖道愁長別，慈

母當閭憶遠遊萬壑爭流巖競秀不須回首說

并州

春夜邀張去華陸君可莊冠甫程長卿王
蓋卿吳于達齋中小集分得衣字

文酒天涯會亦稀過雲微雨度柴扉幾番花信
春將去滿目萍踪客未歸坐久似嫌宮漏促譚
深轉覺世情非銀鐙檀板憑君醉愁見風塵化
素衣

胡君長山人入都出劉公嚴詩畫相示感

爲賦此

郎官家居餘四壁時灑粗箋弄秃筆山人彈鋏
歌無魚袖底惟藏一卷書如今世情逐冷煖詩
畫不入時人眼榆莢如山詎濟貧燕麥滿園馬
可飯我亦飢落守太玄宦情文意俱蕭然長安
稻逢但一笑安能贈君沽酒錢勸君壯遊欲得
意換取三百魚鱗貴人刺

贈周茂才

昔聞卯金子校書天祿閣太乙來下觀焚藜照

丘索今君三冬足文史一室如蠲閑風雨青萍
暫向匣中藏朱鳳終期雲外舉五侯七貴目紛
紛寂莫楊雄獨不聞秋風一夜桂華發紫氣縱
橫疑是君

送錢仲舉之清江

漂母城西建節幢楚山如畫對清江關門不鎖
青絲纜過客頻開白玉缸淮樹飛時潮帶雪官
梅賦就月橫窓碧雞萬里勞相念望斷天南鴈
幾雙

送徐水部治河高郵

都門擁傳夏初曛，直指邢溝一水分。
入署江聲遙應海，過關帆影曉侵雲。
橋邊明月尋香骨，水畔芳祠吊露筋。
遼左只今飛羽檄，鄴侯轉餉是元勳。

送葉讓卿守郢中

石城漢水舊龍飛，重地煩君暫賜緋。
貌瘦不妨分鶴俸，事閒時得問漁磯。
曲中白雪鳴琴罷，樓上雄風放牒歸。
四十年前人已改，臨岐懷舊雨。

八直... 卷之二

沾衣

石假山

誰將一簣土幻此五岳天咫尺覺萬里氣勢生
雲煙許掾枉自苦少文那得眠幸留一丘壑置
取謝臨川

送林君勉之莆司訓

莆中元不腆何況廣文官地勢三山近泉聲九
涿寒園蔬充束脯亭荔足盤飧桃李春風滿應
彈貢禹冠

送孫子長之許墅

度支使者權吳關飽看姑蘇郭外山稅減任教
商舶過吏稀長對戟門閒灣中銷夏留僧住橋
上行春載鶴還西望吳興衣帶水舊時玉筍已
成班

送黃中宜之塞上

說劍更論文雄心迥不群出關弓倚月度磧馬
嘶雲邊檄乘秋急羗笳入夜聞看君有奇策長
揖大將軍

贈江若海

天都萬壑紫雲封，下有幽人絕世蹤。
靜夜攤書燒短燭，有時清嘯倚長松。
鼎中藥在青龍守，洞口僧來白鹿從。
七十老翁雙雪鬢，燈前猶自看笑容。

和顧孝直紙榻詩

估客載側理，乃作君子茵。以彼充棟貴，卧此筓
經身藤角故。自煖竹素時，相親更着梅花帳。清
夢絕紅塵。

小草齋續集卷之二終

小草齋續集卷之三

粵西稿

陳留謝肇淛著

弟肇湘肇澍較

重過鎮遠感事兼悼盧少從

殘日薄城陰城荒草色深
遺黎哭雲水舊主痛
人琴夜榻狐吹火春巢燕
附林兩年三到此一
度一傷心

宿宣風公館

孤館枕河千千家夕照殘
柳鳴漁艇急旗動酒

爐竈寬，雨氣侵人病。灘聲向客寒。琵琶何處婦。哀
怨不勝彈。

宿北澤

倦欲解征鞍。淒涼亦自安。荒郵投北澤。孤客滯
南冠。狹路秋田轉。行旌草樹攢。土牀無四壁。脫
粟強加飧。

入杉關

浪遊三十載。今始度杉關。辭楚一溪水。連閩千
疊山。土音猶未辨。鄉夢已先還。悲喜情何極。休

嗟兩鬢鬢斑

吊謝伯元

轉眼桃丘別人琴絃已亡
奇書藏古壁俠骨寄
他鄉薤露浮生短松雲淨業長
名駒皆汗血千里坐超驤

鄭子直磨携觴過積芳亭兼送陳汝鑑儀部

顧世卿光祿還朝

夫子初從六詔來小園秋盡菊猶開
浮蹤乍喜天涯聚行色翻愁酒後催
良醞步兵厨可戀其

泉執戟賦堪裁誰憐象郡邊城吏腸斷登仙日
九廻

辛酉九日曹能始招偕同社石倉登高分
得四質

宦轍如蓬轉終歲不得逸溟紘乍可投粵馭行
當叱幸因沐休暇一造故人膝良辰叶登高名
園欣邇室蘭槩溯廻漪荔亭逗修日崇岫倚天
開飛泉當座出趺共老僧閒行任遊人密何必
聲與伎黃花有佳質清暉恣留連晷移歡未畢

自憐風塵蹤思君烟霞疾

陳泰始侍御招同社雨集兼喜吳去塵自
新安至時余將之粵西得花字

華鏡高照篆煙斜六博彈棋夜更譁南浦餘霜
鬢別墅西窓微雨度輕紗藥池遊憶神山舊桂
海程愁驛路賒歲晏離人倍蕭索歌聲莫入小
梅花

之粵西留別同社

子舍棲遲二月餘那堪萬里復脂車離亭酒盡

人將去嶺嶠衙開歲已除竹近蒼梧皆有淚鴈
過衡岳更無書故人贈我驪珠在把卷時應慰
索居

重過安仁望天池閣二首

城枕水雲邊人亡閣未遷琴鳴新解宇絃調舊
風煙伏臘殘僧俱聲容故老傳錦江花萬樹開
落不知年

高閣衣冠在孤城花木春桐鄉魂不返棠樹愛
猶新里巷有遺事門墻無舊人十年三到此一

度一沾巾

荷塘行百里投宿湘潭

山程常苦遠短晷漫相催空館湘潭曲寒江風
雨來晚炊燃白草竹榻閣青苔斗酒頽然醉何
須吊屈哀

宿湘潭

孤城隔水雲荒館絕儔侶何處起秋聲波濤雜
風雨遙塞鴈相呼寒燈人獨語更聞行路難尋
流問漁父

入桂林作

還家仍辭家輒作數日惡水行復山行都忘幾
弦朔風雨投北渚霾霧望南嶽已疑楚天漏乍
驚粵山鑿疎松夾廣途亂峰瞰危郭歲暮旣淒
清人稀轉蕭索竹牀無衲衾行厨但藜藿高樓
俯大荒軫懷稍虛廓官梅萬樹花餘芬散幽閣
心跡兩適然何妨雙寂莫

壬戌立春

絕徼初來卽見春蕭條景物迥愁人連旬寒雨

青山暝幾處蠻烟白屋貧骨肉音塵遊子夢關
河雲樞異鄉身陽和不到文身地空對滄江白
髮新

辛酉除夕

吏散庭空官亦閒一尊且復破愁顏天當殘臘
偏多雨暑倚荒城只見山歌舞慙同蠻地俗逐
除真近鬼門關天灑一掬思鄉淚添得蒼梧竹

上班

壬戌元節

殘年漏盡曉鐘傳
列炬驚烏不夜天
拜闕蹙從朱邸後
祠神還向翠微巔
梅花落盡三冬雨
榴葉傳來六峒烟
間嚼檳榔斟寄酒
任他春色自年年

登逍遙樓觀顏魯公題蹟

巖巖百雉倚雲隈
雲杪樓飛積翠來
半壁斜陽簾外掛
一天秋色鏡中開
山圍桂郡千峰出
水落灘江九曲迴
聞有平原遺墨在
不妨立馬騎蒼苔

暮春登綠山觀風洞

窮冬涉暮春，九雨得一霽。塵鞅幸無繁，風物漸
明惠。卷言戒罇壘，飛蓋隨所稅。奇勝不出郭，登
綠紛以麗。危磴砌木末，深壑埋雲際。薄靄度微
鐘，平疇交疎藝。陽崖逗日光，陰洞宿霾翳。入洞
復出洞，豁若一天地。百雉何逶迤，群峰競雄勢。
江空素練飄，松遠寒濤細。隨意坐莓苔，幽懷盟
薜荔。醉卧忘歸來，悠然此身世。

登獨秀山

孤峰何巍峩不與衆山頽突起絕傍依高蟠朱
郎內窄徑屢盤旋危梯欲崩墜行穿群木杪坐
拊香林背小構無餘地促鄰僅相對積雨滋新
苔宿雲凝殘黛禁禦曠清暉觚稜光曉暖四郊
夏木清秀色盈闔閭旣協延眺情亦饒幽居態
緬憶顏光祿讀書遵時晦迥然詠五君抗志謝
百代陵谷未變遷身名復何在舊題盡漸滅安
能辨流輩青山閱人多俛仰增悽慨斜日促行
觴良辰不可再

送黃唐叔參藩入 賀

桂海初秋暑未消，祝延萬里促星輶。
龍飛 聖主春秋富，虎拜邊臣日月遙。
舟過鬱林應鼓石，家隣蓬島好看潮。
年來百粵烽烟急，快覩虞干格有苗。

壬戌初度病作

少年不精進，老大徒悲傷。
雖有拔山力，安能廻榆光。
三立既無成，一命投遐荒。
人土兩不習，二豎豎時見。
殃况逢羽書急，鱗牒堆匡牀。
朗發忽有

懷假寐中彷徨既缺長為哺空違麋鹿腸作客
雖千齡不如歸故鄉

遊七星巖樓霞洞十六韻

出郭涉清溪探幽信杖藜峰排成斗列洞瞑有
霞樓紺殿依巖構朱欄與樹齊雲根蟠作戶山
骨鑿爲蹊徑折折明還暗岐分高復低不勝名景
物那更辨東西鐘乳垂將滴天門近可梯燎烟
薰蟄燕潭恠避然犀鳳去翎濡水龍飛跡印泥
迎人蹲虎豹罅壁幻虹霓禪榻苔侵坐仙田石

界畦頂看圓寶蓋，稜觸削玄珪。漸逐曦光出，還
驚翠靄迷。却行新市陌，已失舊招提。梁憶會公
跨詩尋惠遠，題徘徊歸日落城上。夜烏啼。

壬戌除夕時二兒歸里尚在中途

殘宵何意緒，愁坐不成眠。八口家三地，孤燈照
兩年。紙窗寒雨滴，山寺曉鐘傳。腸斷鷓鴣行裏，爐
烟八五天。

癸亥元日二亦莫愁侍兒

東風微雨濕朝紳，歸擁如花酌五辛。

猶未去人逢傳栢倍相親朱顏不逐
髮偏逢羽檄頻把酒青天祝如願
門雙卧太平春

遊龍隱巖

有元祐黨人碑

跨水危巒迥絕塵漁舟深入武陵春
堂開自有天成瓦龍隱空餘石印鱗
一帶遙山青映郭四郊荒草綠迷津
舊題滿目苔花裏猶有殘碑紀
逐臣

借笠二都護登堯山

伏波門外山雲屯木龍洞中石對蹲孤城一片
帶秋水三十五里無煙村曲徑嶽嶽高復下嵐
翠曦光晃相射山丁劚石共煨灰徃戶圍園皆
種蔗半山廢寺僧出迎斷鐘卧佛堆縱橫且喜
前峯見竹色時復萬壑聞松聲松聲竹色連平
楚衆山皆石此獨土數畝空存天子田殘香猶
祀唐堯主六龍巡守是何年碧桃館在灑神仙
山河今古斜陽裏王氣索莫西風前西風吹
日欲夕行觴莫惜頻浮白接離倒着衣歸來燈

火江干大吹客

入全州

翠幃遥遥出楚關馬頭一點是湘山
松蘿官道青千疊水繞荒城綠幾灣
客夢已隨回鴈去浮蹤真媿宿雲間
生憎二女祠前竹添作征人兩鬢斑

壽唐母六十

南天婺彩近蓬萊甲子人簡恰一廻
王母寄書青鳥送麻姑行酒白麟來
秦華雲作葱青屨昆

海波爲滌綠醅更有名駒千里足應期先上籟
金臺

喜能始至

驕陽太清室如炊一雨成秋未有期痲渴更堪
炎瘴地逢君恰似秣陵時浮萍蹤跡真堪笑絕
望山川也戶
日烽烟未休息相看喜罷轉

自能始鄭子孟麀

百歲有盡日寸心無灰期中年不聞道碌碌
受大雋曰余秉微尚弱冠登金闕蹉跎三十載如
夢還疑痴風波一失所流落西南涯居諸既冉
冉時事不嬉嬉壯顏不可返榆光已西馳骨
髒里遠大寇空如箕幸有同心在天際相進隨

儻然談瀟風可以爲刀圭用永
各懷素心

送張孟從事入賀

黃花以雁節遞手捧霞箋祝壽正 帝壽正

當長至月各程好趁小春天笑容幕下雅三語

上筭
問西南今半壁龍城象郡

東流

夙稜未銷風物異不

小草齋續集卷之三終

伍